

# Akashvani, Sambalpur

## SAMBALPURI NEWS BULLETIN

1 July 2025- 6.47- 6.52 am.

\*\*\*\*\*

ହେରାଫଂର୍ମୀ ଆରବନ୍ଦୁ / ସମ୍ବଲପୁର

ଶ୍ରୀକ୍ଷେତ୍ର ପୁରୀର ଶ୍ରୀଗୁଣ୍ଡିଚା ମନ୍ଦିର ନ ଆସି ହେରାଫଂର୍ମୀ ନୀତି ପାଳନ କରାଯିବ । ଜଗତଜନନୀ ମା ଲକ୍ଷ୍ମୀ ଆଡ଼ପ୍ ମଣ୍ଡପ ନ ମହାପ୍ରଭୁ ଶ୍ରୀଜଗନ୍ନାଥଙ୍କୁ ଦର୍ଶନ କରବେ । ମହାପ୍ରଭୁ ଶ୍ରୀଜଗନ୍ନାଥ ଭାଇ ଭଉଣୀଙ୍କୁ ନେଇକରି ରଥଯାତ୍ରା କରିଥିବାରନ୍ତୁ ମା ଲକ୍ଷ୍ମୀ ଅଭିମାନ କରିଛନ୍ତି । ସେଥିରୁଲାଗି ଶରଧାବାଳି ନ ଶ୍ରୀଜଗନ୍ନାଥଙ୍କର ନନ୍ଦିଘୋଷ ରଥ ଭାଙ୍ଗିବେ । ଇତାର ଉତ୍ତରୁ ମା ଲକ୍ଷ୍ମୀ ହେରା ଗୌରୀ ସାହି ଦେଇକରି ଶ୍ରୀମନ୍ଦିରକେ ଫିରବେ । ଶ୍ରୀଗୁଣ୍ଡିଚା ଯାତ୍ରାର ୫ ନମ୍ବର ଦିନେ ହେରାଫଂର୍ମୀ ନୀତି ପାଳନ କରବାର ପରମ୍ପରା ରହିଛି । ଇଥିରୁଲାଗି ଶ୍ରୀମନ୍ଦିର ପ୍ରଶାସନ ତରଫୁ ନୀତିନିର୍ଦ୍ଦେଶ ପ୍ରସ୍ତୁତ କରାଯାଇଛି । ଆସି ରାତି ମହାଲକ୍ଷ୍ମୀ ରଥ ପାଖେ ପାରମ୍ପରିକ ନୀତି ସାରିକରି ଜଗମୋହନକେ ବିଜେ କରବେ । ପଛେ ମହାଲକ୍ଷ୍ମୀଙ୍କୁ ଆଜ୍ଞାମାଳ ଲାଗି ହେଇକରି ସନ୍ଧ୍ୟାଧୂପ ଟେରା ପଡ଼ିବ । ପଛେ ମଇଲମ, ଚନ୍ଦନଲାଗି ଆର ବଡ଼ସିଂହାର ହେଇକରି ଡେରିରାତି ପହୁଡ଼ ହେବ ।

ଜିଏସ୍‌ଟି ଆଦାୟ

ପି.ଆଇ.ବି.

ଦେଶେ ଦ୍ରବ୍ୟ ଆଉ ସେବା କର - ଜିଏସ୍‌ଟି ଲାଗୁ ହେବାର ଆଏଜ୍ ୮ ବଛର ପୁରିଛି । ଦେଶେ ଏକଠାନ୍ତିଆ ଅର୍ଥନୀତି ଲକ୍ଷ୍ୟ ନେଇକରି ୨୦୧୭ ମସିହା ଜୁଲାଇ ୧ ତାରିଖ୍ କେନ୍ଦ୍ର ସରକାର୍ ଇ ବ୍ୟବସ୍ଥା ଲାଗୁ କରିଥିଲେ । ଇତାର୍ ଜରିଏ ବେପାର୍ ଖର୍ଚ୍ଚା କମ୍ କରବାର୍ ସଙ୍ଗେ ରାଜ୍ୟମାନକର୍ ଭିତ୍ରେ ମାହାଲିଆ ଦରବ୍ ପରିବହନକେ ଡହଁକା ଯାଇଥିଲା । ରାଜସ୍ ସଂଗ୍ରହଥ୍ ଅହରହ ଅଭିବୃଦ୍ଧି ଆଉ ୧ କୋଟି ୫୦ ଲାଖ୍ ନୁ ଅଏତକା ସକ୍ରିୟ କରଦାତା ଜିଏସ୍‌ଟିର ୮ ବଛରର୍ ସଫଳତାର୍ ପ୍ରମାଣ୍ ଦଉଛି ।

ସୂର୍ନା ଅନ୍‌ସାରେ ଗଲା ଆର୍ଥିକ୍ ବଛରେ ଜିଏସ୍‌ଟି ଆଦାୟ ୨୨ ଲାଖ୍ ୮ ହଜାର୍ କୋଟି ଟଙ୍କାଥ୍ ପୁହୁଁଛି । ଗଲା ୫ ବଛର୍ ଭିତ୍ରେ ଇଟା ୨ ଗୁନା ବଢ଼ିଛି ।

ଧାନ୍ ଘିନା-ମନ୍ତ୍ରୀସ୍ତରୀୟ ବୈଠକ୍

I&PR

ରାଜ୍ୟ ସରକାର୍ ଇ ଖେଡ୍ ୧୪ ଲାଖ୍ ମେଟ୍ରିକ୍ ଟନ୍ ଡାଲୁଆ ଧାନ୍ ଘିନବାର୍ ଲକ୍ଷ୍ୟ ରଖୁଥିଲା ବେଲ୍‌କେ ଶେଷ୍ ଦିନତକ୍ ୧୯ ଲାଖ୍ ମେଟ୍ରିକ୍ ଟନ୍ ଧାନ୍ ଠୋଲ୍ କରିଛନ୍ ବଲି ଗଲାକାଏଲ୍ ହେଇଥିବା ମନ୍ତ୍ରୀସ୍ତରୀୟ

ସମୀକ୍ଷା ବୈଠକ୍ ଅନୁଷ୍ଠାନ କରାଯାଇଛି । ଉପମୁଖ୍ୟମନ୍ତ୍ରୀ ଆଉ କୃଷିମନ୍ତ୍ରୀ  
କନକ୍ ବର୍ଦ୍ଧନ ସିଂହଦେଓଙ୍କର ଅଧ୍ୟକ୍ଷତାରେ ହେଉଥିବା ବୈଠକର ସୂଚନା  
ଅନୁସାରେ ପ୍ରକୃତ୍ ଚାଷୀ ହିତାଧିକାରୀମାନଙ୍କୁ ସରକାରୀ ସୁବିଧା  
ସୁଯୋଗର ଲାଭ ଯୁଗେଇ ଦେବାର ଲାଗି ଆସବା ବଛରଠାନ୍ତୁ ଇ-  
କେଞ୍ଚାଇସି ଯୋଜନା ଲାଗୁ କରାଯିବା । ସେନ୍ତା ସାରା ଭାରତନ୍ତୁ ଓଡ଼ିଶା  
ଗୁଡ଼େ ମାତ୍ର ରାଜ୍ୟ ଆସ ଯେନକି ଚାଷୀମାନଙ୍କୁ ତାଲୁଆ ଚାଷ ବେଲ୍‌କେ  
ଇନ୍‌ପୁଟ୍ ସର୍ବସିତି ଆଉ ଏମ୍‌ଏସ୍‌ପି ବାବ୍‌ଦେ କୁଲ୍‌ଟାଲ୍ ପିଛା ୩୧ ଶହ  
ଟଙ୍କା ଦିଆଯାଉଛେ ବଲି କୁହାଯାଇଛେ ।

ଶିଶୁସେବିକା ନିଯୁକ୍ତି

I&PR

ଜାତୀୟ ଶିକ୍ଷାନୀତି ୨୦୨୦ ଅନୁସାରେ ରାଜ୍ୟର ୪୫ ହଜାର  
ବିଦ୍ୟାଳୟ ନ ଶିଶୁବାଟିକା ମାନକେ ଶିଶୁ ସେବିକାମାନଙ୍କୁ ନିଯୁକ୍ତି  
ଦିଆଯିବା । ଶିଶୁସେବିକା ମାନଙ୍କୁ ସ୍କୁଲ୍ ପରିଚାଳନା କମିଟିମାନେ  
ସିଧାସଳଖ ନିଯୁକ୍ତି ଦେଇପାରବେ ବଲି ଗଲାକାଏଲ୍ ବିଦ୍ୟାଳୟ ଆଉ  
ଗଣଶିକ୍ଷା ବିଭାଗ୍ ତରଫୁ ବିଜ୍ଞପ୍ତି ବାହାରିଛେ । ବିଜ୍ଞପ୍ତି ଅନୁସାରେ ଶିଶୁ  
ସେବିକା ମାନଙ୍କର ନିଯୁକ୍ତି ଲାଗି ଓଡ଼ିଶା ବିଦ୍ୟାଳୟ କାର୍ଯ୍ୟକ୍ରମ  
ପ୍ରାଧିକରଣ୍- ଓସେପା ତରଫୁ ମାର୍ଗଦର୍ଶିକା ବାହାରିବା । ସେମାନଙ୍କର

ମାସିକ୍ ପାରିଶ୍ରମିକ୍ ୩ ହଜାର ଟଙ୍କା ରହେବା । ସମଗ୍ର ଶିକ୍ଷା ପାଣ୍ଠିକୁ ଇ  
ଟଙ୍କା ଦିଆଯିବ ।

ମୁଖ୍ୟମନ୍ତ୍ରୀଙ୍କର ସ୍ବତନ୍ତ୍ର ସଚିବ

ଆରବିନ୍ଦ୍/ ସମ୍ବଲପୁର

ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀଙ୍କର ସ୍ବତନ୍ତ୍ର ସଚିବ ଭାବେ ଓଡ଼ିଶା  
ପ୍ରଶାସନିକ ସେବା ଅଧିକାରୀ ମିର୍ଜା ଟପୋଙ୍କୁ ନିଯୁକ୍ତି ମିଳିଛି । ଇ  
ବାର୍ଦ୍ଦେ ସାଧାରଣ୍ ପ୍ରଶାସନ୍ ବିଭାଗ୍ ତରଫୁଁ ବିଜ୍ଞପ୍ତି ବାହରିଛି । ଶ୍ରୀ  
ଟପୋ ଇହାଦେ କେନ୍ଦୁଝର ଜିଲ୍ଲା ଭୂତା ନ ପ୍ରକଟ୍ ନିର୍ଦ୍ଦେଶକ ଦାୟିତ୍ବୁ  
ଅଛନ୍ ।

ବନ ମହୋତ୍ସବ ସପ୍ତାହ

ଆରବିନ୍ଦ୍/ ସମ୍ବଲପୁର

ରାଏଜେ ୭୭ ନମ୍ବର ବନ ମହୋତ୍ସବ ସପ୍ତାହ ଆଏଜ୍ଠାନୁ ମୁଲ୍  
ହେଉଛି । ଇ ଅବ୍ସରେ ରାଜ୍ୟ ଜଙ୍ଗଲ୍ ଆଉ ପରିବେଶ୍ ବିଭାଗ୍ ତରଫୁଁ  
ସାରା ରାଏଜେ ଭିନ୍ ଭିନ୍ କାର୍ଯ୍ୟକ୍ରମ୍ମାନ୍ ଆୟୋଜନ୍ କରାଯିବ । ଇ  
ଅବ୍ସରେ ଗଛ ଲଗାଯିବାର୍ ସହେତେ ପରିବେଶ୍ ସୁରକ୍ଷା ଦିଗେ  
ସଚେତନ୍ କାର୍ଯ୍ୟକ୍ରମ୍ ମାନ୍ କରାଯିବ । ବନ ମହୋତ୍ସବ ସପ୍ତାହ  
ଅବ୍ସରେ ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ରାଜ୍ୟବାସୀଙ୍କୁ ଶୁଭେଚ୍ଛା

ଜନେଇକରି ଏକ୍ ପେଡ୍ ମା କେ ନାମ୍ ଅଭିଯାନ ଜରିଏ ଗଛ  
ଲଗାବାରକେ ଆହ୍ମାନ ଦେଇଛନ୍ ।

ଜାତୀୟ ଡାକ୍ତର / ସି.ଏ. ଦିବସ୍ ଆରବନ୍ଦୁ ସମ୍ବଲପୁର

ଆଏଜ୍ ଜାତୀୟ ଡାକ୍ତର ଦିବସ୍ । ଡାକ୍ତରମାନଙ୍କର ସମାଜର  
ଲୁକ୍କର ଲାଗି ସେବା ଆର ତ୍ୟାରକେ ସମ୍ମାନ ଜନେଇକରି ୧୯୯୧  
ମସିହା ଜୁଲାଇ ୧ ତାରିଖ୍‌ନୁ ପଶ୍ଚିମବଙ୍ଗର ନାଁକରା ଡାକ୍ତର ଆଉ  
ଆଘର ମୁଖ୍ୟମନ୍ତ୍ରୀ ବିଧାନ ଚନ୍ଦ୍ର ରୟଙ୍କର ଜନମ୍ ଦିନକେ ଜାତୀୟ  
ଡାକ୍ତରୀ ଦିବସ୍ ଭାବେ ପାଳନ୍ କରାଯାଉଛେ । ମାସ୍ ଭିତ୍ରେ ରହିକରି  
ନିରନ୍ତର ଲୁକ୍କର ସେବା କରୁଥିବା ଡାକ୍ତରମାନଙ୍କର ଯତନ୍ ଲାଗି ଇ  
ବଛର ଡାକ୍ତର ଦିବସ୍‌ର ବାର୍ତ୍ତାଥ୍ ଆହ୍ମାନ ଦିଆଯାଇଛେ ।

ସେନ୍ତା ଦେଶର ଅର୍ଥନୀତିର ସୁରକ୍ଷା ଦିଗେ ମାର୍ଗଦର୍ଶନ୍ ଦଉଥିବା  
ଚାଟାର୍ଟ ଏକାଡ଼଼଼େଟ୍ ମାନଙ୍କର ସମ୍ମାନ ଲାଗି ଆଏଜ୍ ଜାତୀୟ ଚାଟାର୍ଟ  
ଏକାଡ଼଼଼େଟ୍ ଦିବସ୍ ପାଳନ୍ କରାଯାଉଛେ । ୧୯୪୯ ମସିହାଠାରୁ  
ଭାରତୀୟ ଚାଟାର୍ଟ ଏକାଡ଼଼଼େଟ୍ ପ୍ରତିଷ୍ଠାନ ତରଫୁ ଇ ଦିବସ୍ ପାଳନ୍  
କରାଯାଉଛେ ।

ସାରସ୍ବତ ଆସର, କବିତା ପାଠୋସ୍ବବ ବୌଦ୍ଧ ସମାଦଦାତା

ଓଡ଼ିଶା ସାହିତ୍ୟ ଏକାଡେମୀର ରାଜ୍ୟସ୍ତରୀୟ ଦିନିକିଆ ସାରସ୍ୱତ ଆସର ଆଉ କବିତା ପାଠୋତ୍ସବ ବୌଦ୍ଧ ଟାଉନ୍ ହଲ୍ ଠାରେ ହେଇଯାଇଛି । ଏକାଡେମୀର ସଭାପତି ପୁରୀର ଶ୍ରୀବେଳାଙ୍କର ସଭାପତିତ୍ୱ ହେଇଥିବା କାର୍ଯ୍ୟକ୍ରମ ଅତିଥି ଭାବେ ଡକ୍ଟର ବୈରାଗୀ ଚରଣ ପଟ୍ଟନାୟକ, ମୁଖ୍ୟବକ୍ତା ଭାବେ ଅଧ୍ୟାପକ ପ୍ରତାପ କୁମାର ରଥ ଯୋଗ ଦେଇଥିଲେ । ରାଜ୍ୟର ୩୦ ଟା ଜିଲ୍ଲାନୁ ଆସିଥିବା କବି ଆଉ କବୟିତ୍ରୀମାନେ ଭିନ୍ନ ଭିନ୍ନ ବିଷେ ଉପରେ କବିତା ପାଠ କରିଥିଲେ ।

ପାଣିପାଗ ଆରବନ୍ଧୁ/ ସମ୍ବଲପୁର

ଭୁବନେଶ୍ୱର ଆଂଚଳିକ ପାଣିପାଗ ବିଜ୍ଞାନ କେନ୍ଦ୍ରର ସୂଚନା ଅନୁସାରେ ବଙ୍ଗୋପସାଗର ନ ହେଇଥିବା ଲଘୁଚାପର ବଳେ ରାଜ୍ୟର ବଡ଼ଭାଗୀ ଜାଗା ନ ଜବର ବର୍ଷା ଲାଗି ରହିଛି । ଆସବା ୪ ତାରିଖତକ ଏକା ବର୍ଷା ଲାଗି ରହେବା । ଆସବା ୨୪ ଘଂଟା ଭିତରେ ସମ୍ବଲପୁର, ଝାରସୁଗୁଡ଼ା, ବରଗଡ଼, ସୁବର୍ଣ୍ଣପୁର, ଦେବଗଡ଼, ସୁନ୍ଦରଗଡ଼ ସହେତେ ରାଜ୍ୟର ୨୧ ଟା ଜିଲ୍ଲା ନ ଜବର ବର୍ଷା ହେଇପାରେ ବଳି ପାଣିପାଗ କେନ୍ଦ୍ର ତରଫୁ ସତର୍କ ସୂଚନା ଜାରି କରାଯାଇଛି ।